

三國演義



本古
三國演義目錄

卷一

- 第一回
第二回
第三回
第四回
第五回
第六回
第七回
第八回
第九回
第十回
第十一回
第十二回
第十三回
第十四回
第十五回
第十六回
第十七回
第十八回

宴桃園豪傑三結義
張翼德怒鞭督郵
議溫明董卓叱丁原
廢漢帝陳留爲皇
發矯詔諸鎮應曹公
焚金闕董卓行兇
袁紹誓河戰公孫
王司徒巧使連環計
除兇暴呂布助司徒
勤王室馬騰舉義
劉皇叔北海救孔融
陶恭祖三讓徐州
李傕郭汜大交兵
曹孟德移駕幸許都
太史慈酣關小霸王
呂奉先射戟轅門
袁公路大起七軍
賈文和料敵決勝

斬黃巾英雄首立功
何國舅謀誅宦豎
魏金珠李肅說呂布
謀董賊孟德獻刀
破關兵三英戰呂布
匿玉璽孫堅背約
孫堅跨江擊劉表
董太師大鬧鳳儀亭
犯長安李傕聽賈詡
報父讎曹操興師
呂溫侯漢陽破曹操
曹孟德大戰呂布
楊奉董承雙救駕
呂奉先乘夜襲徐州
孫伯符大戰嚴白虎
曹孟德敗師渭水
曹孟德會合三將
夏侯惇拔矢啖睛

第十九回

下邳城曹操鏖兵

第二十回

曹阿瞞許田打圍

第二十一回

曹操煮酒論英雄

第二十二回

袁曹各起馬步三軍

第二十三回

關正平裸衣罵賊

第二十四回

國賊行兇殺貴妃

第二十五回

屯土山關公約三事

第二十六回

袁本初損兵折將

第二十七回

美髯公千里走單騎

第二十八回

斬蔡陽兄弟釋疑

第二十九回

小霸王怒斬于吉

第三十回

戰官渡本初敗績

卷二

第三十一回

曹操倉亭破本初

第三十二回

奪冀州袁尙爭鋒

第三十三回

曹丕乘亂納甄氏

第三十四回

蔡夫人隔屏聽密語

第三十五回

玄德南漳逢隱淪

第三十六回

玄德用計襲樊城

第三十七回

司馬徽再薦名士

第三十八回

定三分隆中決策

白門樓呂布殞命

董國舅內閣受詔

關公賺城斬車胄

關張共擒王劉二將

吉太醫下毒遭刑

皇叔敗走投袁紹

救白馬曹操解重圍

關雲長挂印封金

漢壽侯五關斬六將

會古城主臣聚義

碧眼兒坐領江東

劫烏巢孟德燒糧

玄德荊州依劉表

決漳河許攸獻計

郭嘉遺計定遼東

劉皇叔躍馬過檀溪

單福新野遇英主

元直走馬薦諸葛

劉玄德三顧草廬

賤長江孫氏報仇

第三十九回

荊州城公子三求計

第四十回

蔡夫人議獻荊州

第四十一回

劉玄德攜民渡江

第四十二回

張翼德大鬧長坂橋

第四十三回

諸葛亮舌戰羣儒

第四十四回

孔明用智激周瑜

第四十五回

三江口曹操折兵

第四十六回

用奇謀孔明借箭

第四十七回

關澤密獻詐降書

第四十八回

寧長江曹操賦詩

第四十九回

七星壇諸葛祭風

第五十回

諸葛亮智算華容

第五十一回

曹仁大戰東吳兵

第五十二回

諸葛亮智辭魯肅

第五十三回

關雲長義釋黃漢升

第五十四回

吳國太佛寺看新郎

第五十五回

玄德智激孫夫人

第五十六回

曹操大宴銅雀臺

第五十七回

樂桑口臥龍弔喪

第五十八回

馬孟起興兵雪恨

第五十九回

許褚裸衣鬪馬超

博望坡軍師初用兵

諸葛亮火燒新野

趙子龍單騎救主

劉豫州敗走漢津口

魯子敬力排衆議

孫權決計破曹操

羣英會蔣幹中計

獻密計黃蓋受刑

龐統巧授連環計

鎖戰船北軍用武

三江口周瑜縱火

關雲長義釋曹操

孔明一氣周公瑾

趙子龍計取桂陽

孫仲謀大戰張文遠

劉皇叔洞房續佳偶

孔明二氣周公瑾

孔明三氣周公瑾

朱陽縣鳳雛理事

曹阿瞞割鬚棄袍

曹操抹書問韓遂

第六十回

張永年反難楊修

龐士元議取西蜀

卷三

第六十一回

趙雲截江奪阿斗

孫權遺書退老瞞

第六十二回

取涪關楊高授首

攻雒城黃魏爭功

第六十三回

諸葛亮痛哭龐統

張翼德義釋嚴顏

第六十四回

孔明定計捉張任

楊阜借兵破馬超

第六十五回

馬超大戰葭萌關

劉備自領益州牧

第六十六回

關雲長單刀赴會

伏皇后爲國捐生

第六十七回

曹操平定漢中地

張遼威震逍遙津

第六十八回

甘寧百騎劫魏營

左慈擲杯戲曹操

第六十九回

卜周易管輅知機

討漢賊五臣死節

第七十回

猛張飛智取瓦口隘

老黃忠計奪天蕩山

第七十一回

占對山黃忠逸待勞

據漢水趙雲寡勝衆

第七十二回

諸葛亮智取漢中

曹阿瞞兵退斜谷

第七十三回

玄德進位漢中王

雲長攻拔襄陽郡

第七十四回

龐令名擡棺決死戰

關雲長放水淹七軍

第七十五回

關雲長刮骨療毒

呂子明白衣渡江

第七十六回

徐公明大戰沔水

關雲長敗走麥城

第七十七回

玉泉山關公顯聖

洛陽城曹操感神

第七十八回

治風疾神醫身死

傳遺命奸雄數終

第七十九回

兄遺弟曹植賦詩

姪陷叔劉封代法

第八十回

曹丕廢帝篡炎劉

漢王正位續大統

第八十一回

急兄讎張飛遇害

雪弟恨先主興兵

第八十二回

孫權降魏受九錫

先主征吳賞六軍

第八十三回

戰猇亭先主得勝人

守江口書生拜大將

第八十四回

陸遜營燒七百里

孔明巧布八陣圖

第八十五回

劉先主遺詔託孤兒

諸葛亮安居平五路

第八十六回

難張溫秦必還天辨

破曹丕徐盛用火攻

第八十七回

征南寇丞相大興師

抗天兵蠻王初受執

第八十八回

渡瀘水再縛番王

識詐降三擒孟獲

第八十九回

武鄉侯四番用計

南蠻王五次遭擒

第九十回

驅巨獸六破蠻兵

燒藤甲七擒孟獲

卷四

第九十一回

祭瀘水漢相班師

伐中原武侯上表

第九十二回

趙子龍力斬五將

諸葛亮智取三城

第九十三回

姜伯約歸降孔明

武鄉侯罵死王朗

第九十四回

諸葛亮棄甯破羌兵

司馬懿尅日擒孟達

第九十五回

馬謖拒諫失街亭

武侯彈琴退仲達

第九十六回

孔明揮淚斬馬謖

周紡斷髮聯曹休

第九十七回

討魏國武侯再上表

破曹兵姜維詐獻書

第九十八回

追漢軍王雙受誅

斃陳倉武侯取勝

第九十九回

諸葛亮大破魏兵

司馬懿入寇西蜀

- | | | |
|-------|----------|----------|
| 第一百回 | 漢兵劫寨破曹真 | 武侯關陣辱仲達 |
| 第一百一回 | 出隴上諸葛妝神 | 奔劍閣張郃中計 |
| 第一百二回 | 司馬懿占北原渭橋 | 諸葛亮造木牛流馬 |
| 第一百三回 | 上方谷司馬受困 | 五丈原諸葛禱星 |
| 第一百四回 | 殞大星漢丞相歸天 | 見木像魏都督喪膽 |
| 第一百五回 | 武侯預伏錦囊計 | 魏主拆取承露盤 |
| 第一百六回 | 公孫淵兵敗死襄平 | 司馬懿詐病賺曹爽 |
| 第一百七回 | 魏主政歸司馬氏 | 姜維兵敗牛頭山 |
| 第一百八回 | 丁奉雪中奮短兵 | 孫峻席間施密計 |
| 第一百九回 | 困司馬漢將奇謀 | 廢曹芳魏家秉報 |
| 第一百十回 | 文鴛單騎退雄兵 | 姜維背水破大敵 |
| 第一百一回 | 鄧士載智敗姜伯約 | 諸葛誕議討司馬昭 |
| 第十二回 | 救壽春于詮死節 | 取長城伯約鑿兵 |
| 第十三回 | 丁奉定計斬孫琳 | 姜維驃陣破鄧艾 |
| 第十四回 | 曹髦驅車死南闕 | 姜維棄糧勝魏兵 |
| 第十五回 | 詔班師後主信讒 | 託屯田姜維游說 |
| 第十六回 | 鍾會分兵漢中道 | 武侯顯聖定軍山 |
| 第十七回 | 鄧士載偷渡陰平 | 諸葛瞻戰死綿竹 |
| 第十八回 | 哭祖廟一王死孝 | 入西川二士爭功 |
| 第十九回 | 假投降巧計成虛話 | 再受禪依樣葫蘆 |
| 第二〇回 | 薦杜預老將獻新謀 | 降孫皓三分歸一統 |

本古
三國演義 卷四

第九十一回 祭瀘水漢相班師 伐中原武侯上表

却說孔明班師回國。孟獲率引大小洞主酋長及諸部落羅拜相送。前軍至瀘水。時值九月秋天。忽然陰雲布合。狂風驟起。兵不能渡。回報孔明。孔明遂問孟獲。獲曰：「此水原有猖神作禍。往來者必須祭之。」孔明曰：「用何物祭？」獲曰：「舊時國中因猖神作禍。用七七四十九顆人頭并黑牛白羊祭之。自然風恬浪靜。」更兼連年豐稔。孔明曰：「吾今事已平定。安可妄殺一人。」遂自到瀘水。岸邊觀看。果見陰風大起。波濤洶湧。人馬皆驚。孔明甚疑。即尋土人問之。土人告說：「自丞相經過之後。夜夜只聞得水邊鬼哭神號。自黃昏直至天曉。哭聲不絕。瘴煙之內。陰鬼無數。因此作禍。無人敢渡。」孔明曰：「此乃我之罪愆也。前者馬岱引蜀兵千餘。皆死於水中。更兼殺死南人盡棄此處。狂魂怨鬼。不能解釋。以致如此。吾今晚當親自往祭。」土人曰：「須依舊列殺四十九顆人頭爲祭。則怨鬼自散也。」孔明曰：「本爲人死。而成怨鬼。豈可又殺生人耶？」吾自有主意。喚行廚宰殺牛馬和麵爲劑。塑成人頭。內以牛羊等肉代之。名曰饅頭。當夜於瀘水岸上設香案。鋪祭物。列燈四十九盞。揚幡招魂。將饅頭等物陳設於地。三更時分。孔明金冠鶴氅。親自臨祭。令董厥讀祭文。其文曰：「維大漢建興三年秋九月一日。武鄉侯領益州牧丞相諸葛亮。謹陳祭儀。專於故蜀王事。蜀中將校及南人亡者陰魂曰：我大漢皇帝威勝五霸。明繼三王。昨自遠方侵境。異俗起兵。縱發尾以舉妖。恣狼心而逞亂。我奉王命。問罪遐荒。大舉貔貅。悉除螻蟻。雄軍雲集。狂寇冰消。纔聞破竹之聲。便是失猿之勢。但士卒兒郎。盡是九州豪傑。官僚將校。皆爲四海英雄。習武從戎。投明事主。莫不同申三令。共展七擒。齊堅奉國之誠。並效忠君之志。何期汝等。偶失兵機。緣落奸計。或爲流矢所中。魂掩泉臺。或爲刀劍所傷。魄歸長夜。生則有勇。死則成名。今凱歌欲還。獻俘將及。汝等英靈。尚在祈禱。必關隨我旌旗。逐我部曲。同回上國。各認本鄉。受骨肉之蒸嘗。領家人之祭祀。莫作他鄉之鬼。徒爲異域之魂。我當奏之天子。使汝等各家盡霽恩露。年給衣糧。月賜康祿。用茲酬答。以慰汝心。至於本境土神南方亡鬼。血食有常。憑依不遠。生者既靈。天威死者亦歸。王化想宜甯帖。毋致號咷。聊表丹忱。敬陳祭祀。」

嗚呼哀哉。伏惟尚饗。讀畢祭文。孔明放聲大哭。極其痛切。情動三軍。無不下淚。孟獲等衆。盡皆哭泣。只見愁雲怨霧之中。隱隱有數千鬼魂。皆隨風而散。於是孔明令左右將祭物盡棄於壚水之中。次日孔明引大軍俱到壚水南岸。但見雲收霧散。風靜浪平。蜀兵安然盡渡壚水。果然鞭敲金鑼響。人唱凱歌還。行到永昌。孔明留王伉儷守四郡。發付孟獲領衆自回。囑其勤政。馭下善撫居民。勿失農務。孟獲涕泣拜別而去。孔明自引大軍回成都。後主排鑾駕出郭三十里迎接。下輦立於道旁。以候孔明。孔明慌下車伏道而言曰。臣不能速平南方。使主上懷憂。臣之罪也。後主扶起孔明。並車而回。設太平筵會。重賞三軍。自此遠邦進貢。來朝者三百餘處。孔明奏准後主。凡歿於王事者之家。一一優恤。人心懽悅。朝野清平。卻說魏主曹丕在位七年。卽蜀漢建興四年也。丕先納夫人甄氏。卽袁紹次子袁熙之婦。前破鄴城時所得。後生一子名曹芳。字元仲。自幼聰明。不甚愛之。後又不納安平廣宗人郭永之女爲貴妃。甚有顏色。其父嘗曰。吾女乃女中之王也。故號爲女王。自丕納爲貴妃。因甄夫人失寵。郭貴妃欲謀爲后。卻與幸臣張輅商議。時不有疾。輅乃詐稱於甄夫人宮中掘得桐木偶人。上書天子年月日時爲厭鎮之事。丕大怒。遂將甄夫人賜死。立郭貴妃爲后。因無出養曹芳爲己子。雖甚愛之。不立爲嗣。數年至十五歲。弓馬熟嫻。當年春二月。丕帶曹芳出獵。行於山塢之間。趕出子母鹿二。不一箭射倒。母鹿同觀小鹿。馳於曹芳馬前。丕大呼曰。吾兒何不射之。數在馬上泣告曰。陛不己殺其母。安忍復殺其子。丕聞之。擲弓於地曰。吾兒眞仁德之主也。於是封芳爲平原王。夏五月。丕感寒疾。醫治不痊。乃召中軍大將軍曹眞。鎮軍大將軍陳羣。撫軍大將軍司馬懿。三人入寢宮。丕喚曹懿至。指謂曹眞等曰。今朕病已沈重。不能復生。此子年幼。卿等三人可善輔之。勿負朕心。三人皆告曰。陛下何出此言。臣等願竭盡忠誠。以事陛下。至千秋萬歲。丕曰。今年許昌城門無故自崩。乃不祥之兆。朕故自知必死也。正言間。內侍奏任東大將軍曹休入宮問安。丕召入。謂曰。卿等皆國家柱石之臣也。若能同心輔朕之子。朕死亦瞑目矣。言訖。墮淚而薨。時年四十歲。在位七年。於是曹眞陳羣司馬懿曹休等。一面舉哀。一面擁立曹芳爲大魏皇帝。諡父丕爲文皇帝。諡母甄氏爲文昭皇后。封鍾繇爲太傅。曹眞爲大將軍。曹芳爲大司馬。華歆爲太尉。王朗爲司徒。陳羣爲司空。司馬懿爲驃騎大將軍。其餘文武官僚。各各封贈。大赦天下。時雍涼二州缺人守把。司馬懿上表乞守西涼等處。曹芳從之。遂封懿提督雍涼等處兵馬。領詔去訖。早有細作飛報入川。孔明大驚曰。曹丕已死。孺子曹芳卽位。餘皆不足慮。司馬懿

深。有謀略。今督雍涼兵馬。倘訓練成時。必爲蜀中之大患。不如先起兵伐之。參軍馬謖曰。今丞相平南方。同軍馬疲敝。只宜存恤。豈可復遠征某。有一計。使司馬懿自死於曹叡之手。未知丞相鈞意允否。孔明問是何計。馬謖曰。司馬懿雖是魏國大臣。曹叡亦懷疑忌。何不密遣人往洛陽鄴郡等處。布散流言。道此人欲反。更作司馬懿告示。天下檄文。遍貼諸處。使曹叡心疑。必然殺此人。也。孔明從之。卽遣人密行此計去了。卻說鄴城門上。忽一日見貼下告示。一道。守門者揭了。來奏曹叡。叡觀之。其文曰。「驃騎大將軍總領雍涼等處兵馬。事司馬懿。謹以信義布告天下。昔太祖武皇帝創立基業。本欲立陳思王子建爲社稷主。不幸奸讒交集。歲久潛龍皇孫。曹叡素無德行。妄自尊尊。有負太祖之遺意。今吾應天順人。討日與師。以慰萬民之望。告示到日。各宜歸命。新君如不順者。當滅九族。先此告聞。想宜知悉。」曹叡覽畢。大驚失色。急問羣臣。太尉華歆奏曰。司馬懿上表。乞守雍涼。正爲此也。先時太祖武皇帝嘗謂臣曰。司馬懿鷹視狼顧。不可付以兵權。久必爲國家大禍。今日反情已萌。可速誅之。王朗奏曰。司馬懿深明韜略。善曉兵機。素有大志。若不早除。久必爲禍。叡乃降旨。欲興兵御駕親征。忽班部中閃出大將軍曹真。奏曰。不可。文皇帝託孤於臣等數人。是知司馬仲達無異志也。今事未知真假。遽爾加兵。乃逼之反耳。或者蜀吳奸細。行反間之計。使我君臣自亂。彼卻乘虛而擊。未知可也。陛下幸察之。叡曰。司馬懿若果謀反。將奈何。真曰。如陛下心疑。可徵漢高僞游雲夢之計。御駕幸安邑。司馬懿必然來迎。觀其動靜。就車前擒之可也。叡從之。遂命曹真監國。親自領御林軍十萬徑到安邑。司馬懿不知其故。欲令天子知其威嚴。乃整兵馬。率甲士數萬來迎。近臣奏曰。司馬懿果率兵十餘萬前來抗拒。實有反心矣。叡慌命曹休先領兵迎之。司馬懿見兵馬前來。只疑車駕親至。伏道而迎。曹休出曰。仲達受先帝託孤之重。何故反耶。懿大驚失色。汗流遍體。乃問其故。休備言前事。懿曰。此吳蜀奸細反間之計。欲使我君臣自相殘害。彼卻乘虛而襲。某當自見天子辨之。遂卽退了軍馬。至叡前俯伏泣奏曰。臣受先帝託孤之重。安敢有異心。必是吳蜀之奸計。臣請提一旅之師。先破蜀後伐吳。報先帝與陛下。以明臣心。叡疑慮未畢。華歆奏曰。不可。付之兵權。可卽罷歸田里。叡依言。將司馬懿削職回鄉。命曹休總督雍涼軍馬。曹叡驚聞洛陽。卻說細作探如此事。報入川中。孔明聞知大喜曰。吾欲伐魏久矣。奈有司馬懿總領雍涼之兵。今既中計遭貶。吾有何憂。次日。後主早朝。大會官僚。孔明出班上出師表一道。表曰。「臣亮言。先帝創業未半。而中道崩殂。今天下三分。益州疲敝。此誠危急存亡之

秋也。然侍衛之臣，不懈於內，忠志之士，忘身於外者，盡追先帝之殊遇，欲報之於陛下也。誠宜開張聖聽，以光先帝遺德，恢宏志士之氣，不宜妄自菲薄，引喻失義，以塞忠諫之路也。宮中府中，俱爲一體，陟罰臧否，不宜異同。若有作奸犯科，及爲忠善者，宜付有司，論其刑賞，以昭陛下平明之治，不宜偏私，使內外異法也。侍中侍郎郭攸之、費禕、董允等，此皆良實，志慮忠純，是以先帝簡拔以遺陛下。愚以爲宮中之事，事無大小，悉以資之，然後施行，必得裨補闕漏。有所廣益，將軍向寵，性行淑均，暢曉軍事，試用之於昔日，先帝稱之曰能，是以衆議舉竊以爲督，愚以爲營中之事，事無大小，悉以咨之，必能使行陣和穆，優劣得所也。親賢臣，遠小人，此先漢所以興隆也；親小人，遠賢臣，此後漢所以傾頹也。先帝在時，每與臣論此事，未嘗不歎息痛恨於桓靈也。侍中尚書長史參軍，此悉貞亮死節之臣也。願陛下親之信之，則漢室之隆，可計日而待也。臣本布衣，躬耕南陽，苟全性命於亂世，不求聞達於諸侯。先帝不以臣卑鄙，猥自枉駕，三顧臣於草廬之中，諮臣以當世之事，由是感激，遂許先帝以馳驅。後值傾覆，受任於敗軍之際，奉命於危難之間，爾來二十有一年矣。先帝知臣謹慎，故臨崩寄臣以大事也。受命以來，夙夜憂慮，恐付託不效，以傷先帝之明。故五月渡瀘，深入不毛。今南方已定，甲兵已足，當獎帥三軍，北定中原，庶竭駑鈍，攘除姦凶，興復漢室，還於舊都。此臣所以報先帝而忠陛下之職分也。至於斟酌損益，進盡忠言，則攸之、禕、允之任也。願陛下託臣以討賊興復之效，不效則治臣之罪，以告先帝之靈。若無興復之言，則攸之、禕、允等之咎，以彰其慢。陛下亦宜自謀，以諮諏善道，察納雅言。深追先帝遺詔，臣不勝受恩感激。今當遠難，臨表涕泣，不知所云。」後主覽表，曰：「相父南征遠涉艱難，方始回都，坐未安席，今又欲北征，恐勞神思。」孔明曰：「臣受先帝託孤之重，夙夜未嘗有怠。今南方已平，可無內顧之憂。不就此時討賊，恢復中原，更待何日？」忽班部中太史譚周出奏曰：「臣夜觀天象，北方旺氣正盛，星曜倍明，未可圖也。」乃顧孔明曰：「丞相深明天文，何故強爲？」孔明曰：「天道變易，不常豈可拘執？吾今且駐軍馬於漢中，觀其動靜而後行。」譚周苦諫不從。於是孔明乃留郭攸之、董允、費禕等爲侍中，總攝宮中之事；又留向寵爲大將，總督御林軍。陳震爲侍中，蔣琬爲參軍，張裔爲長史，董丞相府事，杜瓊爲建議大夫，杜微、楊洪爲尚書，孟光來敏爲祭酒，尹默、李譔爲博士，卻正費詩爲秘書。譚周爲太史，內外文武官僚一百餘員，同理蜀中之事。孔明受詔歸府，喚諸將聽令。前督部鎮北將軍領丞相司馬涼州刺史都亭侯魏延，前軍都督領扶風太守張翼，牙門將裨將軍王平、後軍領兵

使安漢將軍領建寧太守李恢。副將定遠將軍領漢中太守呂義。兼管運糧。左軍領兵使平北將軍陳倉侯馬岱。副將飛衛將軍廖化。右軍領兵使奮威將軍博陽亭侯馬忠。鎮撫將軍關內侯張飛。行中軍師車騎大將軍都鄉侯劉琰。中監軍揚武將軍鄧芝。中參軍安遠將軍馬謖。前將軍都亭侯袁紹。左將軍高陽侯吳懿。右將軍玄都侯高翔。後將軍安樂侯吳班。領長史綏。軍將軍楊儀。前將軍征南將軍劉巴。前護軍偏將軍漢成亭侯許允。左護軍篤信。中將軍丁咸。右護軍偏將軍劉敏。後護軍典軍中郎將宮離。行參軍昭武中郎將胡濟。行參軍諫議將軍閭晏。行參軍偏將軍襲習。行參軍裨將軍杜義。武略中郎將杜祺。綏軍都尉威敦。從事武略中郎將樊岐。典軍書記樊建。丞相令史董厥。帳前左護衛使龍驤將軍關興。右護衛使虎翼將軍張苞。以上一應官員。都隨著平北大都督丞相武鄉侯領益州牧。知內外事。諸葛亮分撥已定。又檄李嚴等守川口。以拒東吳。選定建興五年春三月丙寅日。出師伐魏。忽帳下一老將厲聲而進曰。我雖年邁。尚有廉頗之勇。馬援之雄。此二古人皆不服老。何故不用我耶。衆視之。乃趙雲也。孔明曰。吾自平南回。都馬孟起病故。吾甚惜之。以爲折一臂也。今將軍年紀已高。倘稍有參差。動搖一世英名。滅却蜀中銳氣。雲厲聲曰。吾自隨先帝以來。臨陣不退。遇敵則先。大丈夫得死於疆場者幸也。吾何恨焉。願爲前部先鋒。孔明再三苦勸。不住。雲曰。如不教我爲先鋒。就撞死於墻下。孔明曰。將軍旣要爲先鋒。須得一人同去。言未盡。一人應曰。某誰不才。願助老將軍先引一軍前去破敵。孔明視之。乃鄧芝也。孔明大喜。卽撥精兵五千。副將十員。隨趙雲鄧芝去訖。孔明出師。後主引百官送於北門外十里。孔明辭了後主。旌旗蔽野。戈戟如林。率軍望漢中進發。說邊庭探知此事。報入洛陽。是日曹叡設朝。近臣奏曰。邊官報稱。諸葛亮率領大兵三十餘萬。出屯漢中。令趙雲鄧芝爲前部先鋒。引兵入境。敵大驚。問羣臣曰。誰可爲將。以退蜀兵。忽一人應聲而出曰。臣父死於漢中。切齒之恨。未嘗得報。今蜀兵犯境。臣願引本部猛將。更乞陛下賜關西之兵。前往破蜀。上爲國家效力。下報父讎。臣萬死不恨。衆視之。乃夏侯淵之子夏侯惇也。惇字子休。其性最急。又最吝。自幼嗣與夏侯惇爲子。後夏侯惇爲黃忠所斬。曹操奪之以女。清河公主招惇爲駙馬。因此朝中欽敬。誰掌兵權。未曾臨陣。當時自請出征。曹叡卽命爲大都督。調關西諸路軍馬前去迎敵。司徒王朗諫曰。不可。夏侯惇素不會經戰。今付以大任。非其所宜。更兼諸葛亮足智多謀。深通輜略。不可輕敵。夏侯惇叱曰。司徒莫非結連諸葛亮。欲爲內應耶。吾自幼從父習學輜略。深通兵法。汝何欺我。年幼。

吾若不生擒諸葛亮，誓不問見天子。王明等皆不敢言。夏侯惇辭了魏主，星夜到長安，調關西諸路軍馬二十餘萬來敵孔明。正是：「欲乘白旄麾將士，却教黃吻掌兵權。」未知勝負如何，且聽下回分解。

第九十二回 趙子龍力斬五將 諸葛亮智取三城

却說孔明率兵前至沔陽，經過馬超墳墓，乃令其弟馬岱挂孝。孔明親自祭之，祭畢，回到寨中，商議進兵。忽哨馬報道：魏主曹叡遣駙馬夏侯惇調關中諸路軍馬前來拒敵。魏延上帳獻策曰：「夏侯惇乃曹梁子弟，懦弱無謀，延願得精兵五千，取路出褒中，循秦嶺以東，當子午谷而投北，不過十日可到長安。夏侯惇若聞某驛至，必然棄城望郿關橫門而走。某却從東方而來，丞相可大驅士馬，自斜谷而進，如此行之，則咸陽以西一舉可定也。」孔明笑曰：「此非萬全之計也。汝欺中原無好人，物倘有人進言於山僻中，以兵截殺，非惟五千人受害，亦大傷銳氣，決不可用。」魏延又曰：「丞相兵從大路進發，彼必盡起關中之兵於路迎敵，則曠日持久，何時而得中原？」孔明曰：「吾從隴右取平坦大路，依法進兵，何憂不勝？遂不用魏延之計。」魏延快快不悅。孔明差人令趙雲進兵，却說夏侯惇在長安聚集諸路軍馬，時有西涼大將韓德，善使開山大斧，有萬夫不當之勇，引西羌諸路兵八萬到來，見了夏侯惇，拈重賞之，就遣爲先鋒。德有四子，皆精通武藝，弓馬過人：長子韓瑛，次子韓瑤，三子韓瓊，四子韓琪。韓德帶四子並西羌兵八萬取路至鳳鳴山，正遇蜀兵兩陣對圓。韓德出馬，四子列於兩邊，德厲聲大罵曰：「反國之賊，安敢犯吾境界？」趙雲大怒，挺槍縱馬，單搦韓德交戰。長子韓瑛躍馬來迎，戰不三合，被趙雲一槍刺死於馬下。次子韓瑤見之，縱馬揮刀來戰。趙雲施逞舊日虎威，抖擻精神，迎戰瑤，抵敵不住。三子韓瓊急挺方天戟驟馬前來夾攻。雲全然不懼，槍法不亂。四子韓琪見二兄戰雲不下，也縱馬輪兩口日月刀而來，圍住趙雲。雲在中央獨戰三將，少時韓琪中槍落馬。韓陣中偏將急出救去，雲拖槍便走。韓瓊按戟急取弓箭射之，連放三箭，皆被雲用槍撥落。瓊大怒，仍綽方天戟縱馬趕來，却被趙雲一箭射中面門，落馬而死。韓瑤縱馬舉寶刀便砍趙雲。雲棄槍於地，閃過寶刀，生擒韓瑤歸陣。復縱馬取槍殺過陣來。韓德見四子皆喪於趙雲之手，肝膽皆裂，先走入陣去。西涼兵素知趙雲之名，今見其英雄如昔，誰敢交鋒？趙雲馬到處，陣陣倒退。趙雲匹馬單槍往來衝突，如入無人之境。後人有詩讚曰：「憶昔常山趙子龍，年登七十建奇功。」

功獨誅四將來衝陣。猶似當陽救主雄。鄧芝見趙雲大勝，率蜀兵掩殺。西涼兵大敗而走。韓德險被趙雲擒住，棄甲步行而逃。雲與鄧芝收軍回寨。芝賀曰：將軍壽已七旬，英勇如昨。今日陣前力斬四將，世所罕有。雲曰：丞相以吾年邁，不肯見用，故聊以自表耳。遂差人解韓瑤申報捷書，以達孔明。却說韓德引敗軍回見夏侯惇，哭告其事。惇自統兵來迎趙雲，探馬報入蜀寨，說夏侯惇引兵到。雲上馬綽槍引千餘軍就鳳鳴山前擺成陣勢。當日夏侯惇戴金盔，坐白馬，手提大砍刀，立在門旗之下。見趙雲躍馬挺槍往來馳騁，惇欲自戰。韓德曰：殺吾四子之讎，如何不報。縱馬輪開山大斧，直取趙雲。雲奮怒挺槍來迎，戰不三合，槍成處刺死韓德於馬下。急撥馬直取夏侯惇。惇慌忙閃入本陣。鄧芝驅兵掩殺魏兵，又折一陣，退十餘里下寨。惇連夜與衆將商議曰：吾久聞趙雲之名，未嘗見面。今日年老英雄尚在，方信當陽長坂之事，似此無人可敵。如之奈何？參軍程武乃程昱之子也，進言曰：某料趙雲有勇無謀，不足爲慮。來日都督再引兵出先伏兩軍於左右，都督臨陣先退，誘趙雲到伏兵處，都督却登山指揮四面軍馬重圍。件雲可擒矣。惇從其言，遂遣董禧引三萬軍伏於左，薛則引三萬軍伏於右，二人埋伏已定。次日夏侯惇復整金鼓旗旛，率兵而進。趙雲鄧芝出迎。芝在馬上謂趙雲曰：昨夜魏兵大敗而走，今日復來，必有詐也。老將軍防之。子龍曰：量此乳臭小兒，何足道哉。吾今日必當擒之。便躍馬而出。魏將潘遂出迎，戰不三合，撥馬便走。趙雲趕去，魏陣中八員將一齊來迎。放過夏侯惇先走。八將陸續奔走。趙雲乘勢追殺鄧芝引兵繼進。趙雲深入重地，只聽得四面喊聲大震。鄧芝即收軍退回。左有董禧，右有薛則，兩路兵殺到。鄧芝兵少，不能解救。趙雲被困在垓心，東衝西突，魏兵越厚。時雲手下止有千餘人，殺到山坡之下，只見夏侯惇在山上指揮三軍。趙雲投東則望東指，投西則望西指。因此趙雲不能突圍，乃引兵殺上山來。半山之中，擣木礮石打將下來，不能上山。趙雲從辰時殺至酉時，不能脫走，只得下馬少歇。旦待月明再戰，却又卸甲而坐。月光方出，忽四下火光冲天，鼓聲大震，矢石如雨。魏兵殺到，皆叫曰：趙雲早降。雲即上馬迎敵。四面軍馬漸漸逼近。八方弩箭交射甚急。人馬皆不能向前。雲仰天歎曰：吾不服老，死於此地矣。忽東北角上喊聲大起，魏兵紛紛亂竄。一彪軍殺到，爲首大將持丈八點鋼矛馬項下挂一顆人頭。雲視之，乃張苞也。苞見了趙雲，言曰：丞相恐老將軍有失，特遣某引五千兵接應。聞老將軍被困，殺透重圍，正遇魏將薛則，攔路被某殺之。雲大喜，即與張苞殺出西北角來，只見魏兵棄戈奔走。一彪軍從外呐喊殺入，爲首大將提偃月青龍

刀手挽人頭，雲視之，乃關興也。興曰：「奉丞相之命，恐老將軍有失，特引五千兵前來接應。却纔陣上逢着魏將董禧，被吾一刀斬之，梟首在此。」丞相隨後便到也。雲曰：「二將軍已建奇功，何不趁今日擒住夏侯惇，以定大事？」張苞聞言，遂引兵去了。興曰：「我也幹功去。」遂亦引兵去了。雲回顧左右曰：「他兩個是吾子姪輩，尚且爭先幹功，吾乃國家上將，朝廷舊臣，反不如此小兒耶？」吾當拾老命以報先帝之恩。於是引兵來捉夏侯惇。當夜三路兵夾攻，大破魏軍一陣。鄧芝引兵接應，殺得屍橫遍野，血流成河。夏侯惇乃無謀之人，更兼年幼，不會經戰。見軍大亂，遂引帳下驍將百餘人望南安郡而走。衆軍因見無主，盡皆逃竄。興、苞二將聞夏侯惇望南安郡去了，連夜趕來，走入城中，令緊閉城門，驅兵守禦。興、苞二人趕到，將城圍住。趙雲隨後也到，三面攻打。少時，鄧芝亦引兵到，一連圍了十日，攻打不下。忽報丞相留後軍住沔陽左軍屯陽平右軍屯石城，自引中軍來到趙雲、鄧芝、關興、張苞皆來拜問。孔明說連日攻打不下，孔明遂乘小車親到城邊周圍看了一遍，回寨升帳而坐。衆將環立聽令。孔明曰：「此郡壕深城峻，不易攻也。吾正事不在此城。汝等如只久攻，偷魏兵分道而出，以取漢中。吾軍危矣。」鄧芝曰：「夏侯惇乃魏之驍將，若擒此人，勝斬百將。今困於此，豈可棄之而去？」孔明曰：「吾自有計。」此處西連天水郡，北抵天定郡，二處太守不知何人，探卒答曰：「天水太守馬遵，安定太守崔諒。孔明大喜，乃喚魏延受計。如此如此。又喚關興、張苞受計。如此如此。又喚心腹軍士二人受計。如此行之。各將領命引兵而去。孔明却在南安城外，令軍運柴草堆於城下，口稱燒城。魏兵聞知，皆大笑不懼。却說安定太守崔諒，在城中聞蜀兵圍了南安，困住夏侯惇，十分慌懼。即點軍馬約共四千守住城池。忽見一人自正南而來，口稱有機密事，崔諒喚入問之。答曰：「某是夏侯都督帳下心腹將裴緒，奉都督將令特來求救於天水。安定二郡南安甚急，每日城上縱火爲號。專望二郡救兵，並不見到。因復差某救出重圍，來此告急。可星夜起兵爲外應。都督若見二郡兵到，却開城門接應也。」諒曰：「有都督文書否？」緒貼肉取出，汗已濕透。略教一視，急令手下換了匹馬，便出城望天水而去。不一日，又有報馬到，說天水太守已起兵救援南安去了。教安定早早接應。崔諒與府官商議，多官曰：「若不去救，失了南安，送了夏侯驍馬，皆我兩郡之罪也。只得救之。」諒即點起人馬，離城而去。只留文官守城。崔諒提兵向南安大路進發。遙望見火光冲天，催兵星夜前進。離南安尚有五十餘里，忽聞前後喊聲大震，哨馬報道：「前面關興截住去路，背後張苞殺來。」安定之兵四下逃竄。諒大驚，乃領手下百餘人往小路死戰得脫。奔回

安定方到城壕邊。城上亂箭射下來。蜀將魏延在城上叫曰。吾已取了城也。何不早降。原來魏延扮作安定軍。晝夜賺開城門。蜀兵盡入。因此得了安定。崔諒慌投天水郡來。行不到一程。前面一彪軍擺開。大旗之下。一人綸巾羽扇。道袍鶴氅。端坐於車上。諒視之。乃孔明也。急撥回馬走。關興張苞兩路兵追到。只叫早降。崔諒見四面皆是蜀兵。不得已遂降。同歸大寨。孔明以上賓相待。孔明曰。南安太守與足下交厚。否諒曰。此人乃楊阜之族弟楊陵也。與某鄰郡交契甚厚。孔明曰。今欲煩足下入城。說楊陵擒夏侯惇可乎。諒曰。丞相若令某去。可暫退軍隊。容某入城說之。孔明從其言。即時傳令教四面軍馬各退二十里下寨。崔諒匹馬到城邊。叫開城門。入到府中。與楊陵稟畢。細言其事。陵曰。我等受魏主大恩。安忍背之。可將計就計而行。遂引崔諒到夏侯惇處。備細說知。惇曰。當用何計。楊陵曰。只推某獻城門。賺蜀兵入。却就城中殺之。崔諒依計而行。出城見孔明。說楊陵獻城門。放大軍入城。以擒夏侯惇。楊陵本欲自捉。因手下勇士不多。未敢輕動。孔明曰。此事至易。今有足下原降兵百餘人。於內暗藏蜀將。扮作安定軍馬。帶入城去。先伏於夏侯惇府下。却暗約楊陵。待半夜之時。獻開城門。裏應外合。崔諒暗思。若不帶蜀將去。恐孔明生疑。且帶入去。就內先斬之。舉火爲號。賺孔明入來殺之可也。因此應允。孔明囑曰。吾遣親信將關興張苞。隨足下先去。只推救軍殺入城中。以安夏侯惇之心。但舉火。吾當親入城去擒之時。值黃昏。關興張苞受了孔明密計。披挂上馬。各執兵器。雜在安定軍中。隨崔諒來到南安城下。楊陵在城上撐起懸空板。倚定護心欄。問曰。何處軍隊。崔諒曰。安定救軍來到。諒先射號箭上城。箭上帶著密書曰。今諸葛亮先遣二將伏於城中。要裏應外合。且不可驚動。恐泄漏計策。待入府中。圖之。楊陵將書見了。夏侯惇細言其事。惇曰。既然諸葛亮中計。可教刀斧手百餘人。伏於府中。如二將隨崔太守到府下馬。開門斬之。却於城上舉火。賺諸葛亮入城。伏兵齊出。亮可擒矣。安排已畢。楊陵回到城上。官曰。既是安定軍馬。可放入城。關興跟崔諒先行。張苞在後。楊陵下城。在門邊迎接。與手起一刀。落斬楊陵於馬下。崔諒大驚。急撥馬走到吊橋邊。張苞大喝曰。賊子休走。汝等詭計如何。暗得丞相耶手起一鎗。刺崔諒於馬下。關興早到城上。舉起火來。四面蜀兵奔入。夏侯惇措手不及。關南門併力殺出一彪軍攔住。爲首大將。乃是王平。交馬只一合。生擒夏侯惇於馬上。餘皆殺死。孔明入南安。招諭軍民。秋毫無犯。衆將各各獻功。孔明將夏侯惇囚於車中。鄧芝問曰。丞相何故知崔諒詐也。孔明曰。吾已知此人無降心。故意使入城。彼必盡情告與夏侯惇。欲將計就計而行。吾見

來情足知其詐。復使二將同去，以釋其心。此人若有真心，必然阻當。彼忻然同去者，恐吾疑也。他意中度二將同去，賺入城內殺之未遲。又令吾軍有託放心而進，吾已暗囑二將就城門下圖之。城內必無準備，吾軍隨後便到此。出其不意也。衆將拜服。孔明曰：「賺崔諒者，吾使心腹人詐作魏將裴緒也。吾又去賺天水郡，至今未到，不知何故。今可乘勢取之。」乃留吳懿守南安，劉琰守安定，替出魏延軍馬去取天水郡。卻說天水郡太守馬遵，聽知夏侯惇困在南安城中，乃聚文武官商議。功曹梁緒、主簿尹賞、主記梁虔等曰：「夏侯惇乃金枝玉葉，倘有疏虞，難逃坐視之罪。太守何不盡起本部兵以救之？」馬遵正疑慮間，忽然夏侯惇馬差心腹將裴緒到，緒入府取公文付馬遵說。都督求安定、天水兩郡之兵，星夜救應。言訖，匆匆而去。次日又有報馬到，稱說安定兵已先去了。教太守火急前來會合。馬遵正欲起兵，忽一人自外而入曰：「太守中諸葛亮之計矣。衆視之。」乃天水翼人也。姓姜名維，字伯約，父名冏，昔日曾爲天水郡功曹。因羌人亂，沒於王事。維自幼博覽羣書，兵法武藝無所不通。奉母至孝，郡人敬之。後爲中郎將，就參本部軍事。當日姜維謂馬遵曰：「近聞諸葛亮殺敗夏侯惇，困於南安，水泄不通。安得有人自重圍之中而出？又且裴緒乃無名下將，從不會見。况安定報馬又無公文，以此察之，此人乃蜀將詐稱魏將，賺得太守出城，料城中無備，必然暗伏一軍於左近，乘虛而取天水也。馬遵大悟曰：「非伯約之言，則誤中奸計矣。維笑曰：「太守放心，某有一計可擒諸葛亮，解南安之危。正是：「運籌又遇強中手，關智還逢意外人。」未知其計如何，且聽下回分解。

第九十三回 姜伯約歸降孔明 武侯侯馬死王朗

卻說姜維獻計於馬遵曰：「諸葛亮必伏兵於郡後，賺我兵出城，乘虛襲我。某願請精兵三千，伏於要路。太守隨後發兵出城，不可遠去，止行三十里便回。但看火起爲號，前後夾攻，可獲大勝。」如諸葛亮自來，必爲某所擒矣。遵用其計，付精兵與姜維去訖。然後自與梁虔引兵出城等候。只留梁緒、尹賞守城。原來孔明果遣趙雲引一軍埋伏於山僻之中，只待天水人馬離城，便乘虛襲之。當日細作回報趙雲說：「天水太守馬遵起兵出城，只留文官守城。趙雲大喜，又令人報與張翼、高翔，教於要路截殺馬遵。」此二處兵亦是孔明預先埋伏。卻說趙雲引五千兵，徑投天水郡城下，高叫曰：「吾乃常山趙子龍也。汝知中計，早獻城池，免遭誅戮。」城上梁緒大笑曰：「汝中吾姜伯約之計，尚然不知耶？」